



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxij Basilius Magnus ein fürtrefflicher Lehrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Glieder verlambt vnd zerknitscht / etlich habent
 sie von ihren Häusern herab gestürzt / vnd auff
 mancherley weiß vmbbracht. Dise gräwliche
 verfolgung ist geschehen im 8. Jar / da Hune-
 rich der Wenden vnd Alaner König das ganz
 Aphricam mit seinem Kriegsvolck gräuwlich
 verderbt hat.

Es sein auch in solcher verfolgung bey vier
 tausendt neun hundert vnd sechs vnd sechsig
 frommer Christen / so nicht vmbbracht / in das
 elendt geschicket / Darvon schreibt Vieto. im
 zwayten vnd dritten Buch / von der Wendi-
 schen verfolgung.

ti
 S
 xxiii
 Basili-
 us
 Presby-
 ter.

Vom Basilio Magno / haben wir droben
 den 3. Februarij gesagt. Es ist aber noch
 ein Basilius / welcher zu Anticyra zu der zeit
 des Keyfers Juliani / ein Christlicher Priester
 gwest / Er hat häfftig wider die Arianische Se-
 cten gestritten / also / das im auch alle ire Kirchē
 vnd versammlung zubesuchen verbotten war /
 Er hat die Christen hin vnd wider enger per-
 son vnd durch Schrifften in der höchsten ver-
 folgung getröstet / vnd wider die Ariani-
 sche Secte inn warem Christlichem Glauben
 beständiglich zu bleiben vermahnet / Die-
 weil

weil er aber auch häfftig wider die Heydnische
Abgötterey gelehrt vnd gestritten hat / ist er von
den Heyden ergriffen / vnd vor allem Volck
gräuulich gemartert vnd getödtet wordē / Ge-
schehen im Jar Christi / drey hundert sechs vñ
sechsz. sozo libro quinto, capite vndeci-
mo Ecclesiasticæ Historiæ.



Dieser

Io
B
xxiii
Johan-
nes Bap-
tista.

Dieser Johannes ist ein Sohn gewesen Za-
charia vonn Elisabeth/welcher sich durch
die bewegung des H. Geistes der Geburt vn-
sers Heylandts Ihesu Christi / mit springen in
Mutter Leib gefreuet hat / Er ist des H. Erren
Christi vorlaufer gewesen / vnd hat Buß vnd
vergebung der Sünden geprediget / vnd mit
fingern auff das Lämblein Gottes/welches der
Welt Sünde treget/gedeutet. Er hat auch den
H. Erren Christum im dreßsigsten jar seines
alters im Jordan getaufft / da ist erschienen die
Herlichkeit des H. Erren / vnd ist durch die
stimme Gottes / Christus warer Gottes Sohn
erkläret worden. Endlich ist er von Herode/
auff anregen der Herodias / dieweil er seinen
Ehebruch vnd Hurerey gestrafft hat / geköpffet
worden. Sein Historia wirdt beschrieben/
Luc. 1. 3. 7. Johan. 1. 3. Matth. 3. 4. 11. 14. Mar.
1. 6. / 2c.

han
A
xxv
Eupsi-
chius.

W der zeit Juliani des abtrünnigen Key-
sers / haben die Bürger zu Casarea den Ab-
göttischen Tempel Fortunæ nidergerissen / vñ
verderbet / darüber wardt Julianus vnd sein
Gottloser anhang sehr ergrimmet / vnd gaben
solcher verwüstung dem Eupischio vnd sei-
nen